



Universitätsbibliothek Paderborn

**Elogia Societatis Iesu Sive Propvgnacvlvm: Pontificum,
Conciliorum, Cardinalium, Antistitutum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Guilielmus Alanus n. 17

urn:nbn:de:hbz:466:1-38486

Societas
nata ad
Ecclesiae
bonum: &
vtilis con-
tra haretici-
cos.

Poloniae
Regnum
Societati
aperitur.

Honorifice
Alani lite-
ra ad Euc-
ardum
Gener.

Societas
Iustissimus
grex.

AB EODEM: *Qui etiam aliquando afferuit, Societatem ad Ecclesiae bonum natam esse, vtilemque Regno Poloniae in hæreses fore. Ita in Synopsi Soc.lib.3.cap.4 fol.161. Et (ut referatur Par.2.Hist.Soc.lib.8.nu.114.) Idem Cardinalis Hosius Tridentino in "Diacesim suam Vermensem reuersus locupletissimos quoque, ac Senatores ante alios rerum nouarum cupidos deprehendit, contra que Religionem Catholicam multa aperte, multa occulte molientes. Quare quod diu cogitauerat minime prolatandum ratus, aduocare Præsidium ex hac Cohorte statim decreuit. Cuius industria Poloniae Regnum Societati cœptum est aperiri.*

17. A GUILIELMO ALANO, *Cuius honorificæ pro Societate extant literæ ab Euerardo Generali postulantes, ut Collegij Anglicani Duacensis curam suscipiat. Etsi (inquit) calamus meus apud te iam diu cessavit; tamen animus meus, & corda meorum apud communem Dominum, pro te, lectissimoq; grege tuo non silent unquam. Cum enim in his diurni exilij, & difficillimorum temporum continuis calamitatibus omnibus facti sumus per Christum debitores; vestræ tamen sanctæ Societatis in nostros homines merita, ceterorum Officijs universis antiquiora, gratiora, ac sane salutariora semper extiterunt. Meministi etenim, colendissime vir, nisi forsan (quod facile crediderim) alijs à te tuisque præstiti beneficij Christianè obliuisceris: alioquin in Belgio tum degens, & exules Anglos summopere complectens meminisse posse, (& Ego libens sane recordor) iam tum ab initio desolationis nostræ, plerosque ab illa perditione eruptos, vel ad Sacrum Ordinem vestrum receptos, vel Ecclesiæ Matri vestrorum studio, ac opera restitutos: vel sequentibus deinde annis Louanij primum, tum Duaci, tandem etiam Romæ consilio, charitate, consolatione, auctoritateque in primis vestra fuisse seruatos. Ut de hoc quantulocumq; agri Dominici reliquo semine post Deum, ac sanctissimum Patrem Gregorium, eiusque summos ministros, vobis patria nostra, si quam unquam habituris sumus, primas gratias debere videatur. Inter cetera tamen re-*

centis-

centissimum est illud, & plane singulare, priora omnia beneficia vestra complectens, quod ad nostrorum istic studiorum institutionem non ita pridem ex Societate, alioquin varijs charitatis muneribus occupatissima, homines commodissimos concesseritis. De quo cum multa mihi domum ad me nuper rediens, Gregorius Martinus meus iucunde narrauit, plurimaque lætè ac libenter ex Vrbe Reuerendus Dominus Archidiaconus Audoenus, & ij ipsi, ad quos hæc felicitas maxime pertinet, sæpe ad me scribant. Ego qui nihil in orbe illorum iuuenum salute, & sancta educatione charius habeam, intimum de Reuerendissimæ Paternitatis tuæ beneficio ipsis præstito, animi mei gaudium celare non potui. Equidem mi Pater quoad in hoc sæculari, quo viuimus statu fieri potuit, & licuit, dedi operam semper, vt nostri non alijs, quam vestris studijs, institutis, moribus, quibus nihil est hodie, vel ad doctrinam expeditius, vel ad veritatem sincerius, vel quod maximè nunc requirimus ad zelum lucrandarum animarum accommodatus, præcipue imbuerentur. Et illi ipsi nescio qua animi inductione, sed diuinitus, vt interpretor, indita longè libentissimè vestra vbique, & gymnasia consestat sunt, & mores imitati. Ad quam rem non quantum optamus, sed quantum consequitum potuimus, vicina nobis sæpe Collegia vestra commoditatem præbuerunt. Sed nunc cum id sit à Deo nobis per suam Sanctitatem tributum, vt in illo Ecclesiæ, ac orbis principe loco, Collegium habeamus, & per tuam pietatem porro concessum, vt id haec tenus vestrorum opera, atque prudentia gubernetur, & instituatur; omnia sanè mihi meisque in Christo donata sunt. Neque aliud desideramus, quam ut eius istic, nostrique hic Collegij, totiusque gentis nostræ causa, sua gratia, & auctoritate apud sanctissimum Dominum nostrum continuò fiat commendator: atque ut hoc tuum etiam, Patrumque beneficium diuturnum esse velis: ut velis autem (mi Domine colendissime) Alanus omnibus vitæ suæ Officijs filius, & famulus tuus, tuo-

*Varijs chæ-
ritatis mu-
neribus oce-
cupatissi-
ma.*

*Ad doctri-
nam expe-
ditior, &
ad anima-
rum zelum
accommo-
dator.*

*Commoda
ex Colle-
gijs.*

*Expetit
Alanus vt
Societas
Collegij
Anglicani
curam sus-
cipiat.*

K rumque

rumque sincerus amator per Christum rogat, vel Respublica potius, ac patria nostra rogat: illiusque charitatis, & sollicitudinis, quam in omnes gentes Christianas, ac barbaras geris, partem aliquam supplex postulat. Nec repellas iustissima petentes, Pater; & qui per tuos apud extremos Indos, oues Christo colligis: perditam ouem Britanicam nobiscum querere, ne dedigneris. Si onus est; Christi onus est: qui & augebit vires, ut possitis, & charitatem ut velitis ferre. Et quidquid sit, omnium nostrorum, qui ubique gentium sunt, exulum precibus, operis, oblationibus tolerabilius fiet. Quo loco nunc Orbis Christianus (sapientissime vir) sit, & quanto pere nitendum sit, ne impiorum hominum conspiratione, & scelerata diligentia, fides, & religio prorsus pereant, nemo te melius videt, aut magis curat. Nec sunt multi, cum armis & potentia iam pridem aduersarij propter peccata nostra superiores esse videantur, qui non iam labentibus, sed ruentibus rebus, ita ut vos, succurrere velint, aut possint. Habetis nunc optimas, aut maximas rei bene gerendæ occasionses. Talem Pontificem, quam fortassis sequentia tempora non dabunt, diuinitus certe his Ecclesiæ calamitatibus concessum nobis: & ita rebus humanis, his maximè institutis Seminarijs consulentem; ut nesciam, an illa alia æquè expedita ratione religioni succurri queat. Sub tali Patre, & Pastore vobis, mihi, omnibusque zelum Dei habentibus, nisi, laborare, instare, vrgere, facere, pati, mori pro communi fide periculum esse debet. Sed indignitas horum temporum, gentisque meæ, longa, & coacta calamitas, ac meorum amor effecerunt, ut maximarum occupationum tuarum oblitus tam multa non necessaria Tuæ R^m. Paternitati dixerim, cum sciam tuam pietatem hæc omnia videre, & malto plura facere, quam ego desiderare, aut postulare ausini. Christus ergo IESVS Tuam R^m. Paternitatem diutissimè Ecclesiæ suis, nostrisque seruet incolumenta, ac dignetur nostram paruitatem suorum sanctissimis Sacrificijs commendare, in primisque R^m. Patrem Domi-

Socij apud
Indos oues
Christo
colligunt.

Yrris ad
Collegij
curam sus-
cipiendam
motiuas.

Dominum Oliuerium à me multum salutare. Rhemis septimo Kalendas Nouembris 1578. Addictissimus seruus Guilielmus Alanus. *Hucusque præcipue nobilitatis Anglicanæ, sapientiæ, ac virtutis vir admirandus.* Par. 4. Hist. Soc. lib. 7. nu. 19. Et postea lib. 8. num. 87. additur, *Quod cum Romæ esset idem Alanus Pontifici Catholicorum Anglorum vota exposuit, quām aude cuncti aliquos* è Societate Sacerdotes expeterent. *Ipsos esse, qui suorum Anglorum Duaci, ac Romæ Magistri, atq; institutores fuissent.* Ergo si tantum afferrent solatij atque emolumenti ij, quos instituerant; liceret ipsos intueri Magistros, & audire, quorum etiam regendis, consilioque iuuandis, ipsis Seminario-rum Sacerdotibus, valitura esset auctoritas. Adire Indianam Patres, ac profiteri suæ vocationis esse inferre Christi cultum in omnes terras, ac restituere inter Hæreticos. Cur ergo prætermitterent Angliam, vbi amplissima esset parata messis. *Quam Orationem cum probasset vehementer Gregorius, agi cum Euerardo iussit.*

Societas ab
Anglis ex-
petita.

Eius voca-
tio inferre
Deiculum
in omnes
terras.

A B E O D E M: *Contra nefarium Edictum Elisabethæ Anglie Regine, & in nostrorum commendationem afferente:* Patiuntur (inquit) odia, & Hæreticorum indignationes, quod D. Hieronymus loco summæ gloriæ ducebat. Nam sancti illi viri, qui à Deo olim ad congregendum cum Hæreticis excitati fuerant, tam hostibus odio erant, quām isti modo à Deo ad Lutheri, Calvini, & reliquarum pestium ruinas reparandum ad nos misserunt. Ita ille Cap. 6. apud Paul. Leonard. *Apolog. pro scient. Med. Par. 2. n. 83. Et postea Ibid. Par. 3. n. 54. Idem Alanus addit.* Horum Virorum Ordo quidem, & ratio viuendi noua est, sed fides, & doctrina eadem plane, quam Patres antiqui, & Ecclesia vniuersa habuit semper, & colit modo. *Hæc ille in doctrina Iesuitarum commendationem.*

In filijs
patitur
Hæretico-
rum odia.

Eius ratio
viviendi
noua, sed
doctrina
veterum
Patrum.

18. A CÆSARE BARONIO in Annot. ad Martyrol. Rom.
29. Decemb. fol. 619. *Vbi postquam de S. Thoma Cantuariensi disseruit Cardinalis doctissimus, hæc pro Societatis gloria, eiusque Martyrum triumphis mire suppeditauit. Videre meruit (inquit) sæculum nostrum*

Societas
Martyribus
coronata.